

PIPINS E FRUÇOGNUTS

storiute par fâ teatri



Progjet di insiorament
de Culture e Lenghe furlane

a cure di Pupini Miriam

An scuelastic dal 2015/2016



Dentri ae tor plui alte dal cjastiel dal paîs di Nosaiparcè, il Re al passe dute la sô zornade a cjalâ lontan fûr dal barcon.



Al sta li imbambinîr cun chê corone grandonone poiade sul cjâf cence bati cei biel che sot e passe une biele pipinute che i domande:
"Vegnistu a zuiâ cun mê?"
E chel: "Fossio mat! O ai ben altri di fâ o ai di cjalâ lontan... e po o ai mâl di cjâf..."
Ma la pipine viodintlu cussî di bessôl e insist: "Ven jù che ti passe!"



Il Re nol crôt e al zonte: " O ai mâl di orelis e no pues stâ inte confusion"
La pipinute inalore e dîs ancjemò : "Ven jù che ti passe!"
E il Re: " A fuarce di cjalâ lontan o ai ancje mâl di voi"



Ma chê da bas e vûl zuiâ cul Re e i dîs: "O la jerbe e je cussì biele che e ven voie di cori e saltâ. Ven jù a viodi".
Dal alt dal so barcon il Re si stice e fasint la vosone al dîs: "Li sot a son dome i fruçons che a colin de mê tavaie e po dopo a fuarce di stâ
sintât mi fasin mâl ancje i pîts!"
La pipinute slargjant i braçs lu cjale dret tai voi e si met a cjantâ "Orelute sô surute"....
Il Re nol veve mai sintude che cjantute e diventât curiôs si met in scolte.
"Dai, dai ven jù - e insist la biele - poie la corone e ven jù da bas".
Ma chel no si decît a vignî jù e la pipine e dîs: "Fâstu come la lune de me cjante?" e disint cussì si met a cjantâ "Lune, lune ven da bas".



Il Re inalore, lassade la corone sul barcon, al ven da bas e timidut si svice a chê bieles pipinute e la salude disint: "Mand i o soi il Re di Nosaiparcè e ca sot no soi mai stât, no ai mai zuiât te jerbe e no sai nancje ce mût che si fâs".

La pipine graziose lu cjape par man e inviantsi pal zardin i dîs: "Anin, anin cun me" e si met a cjantâ "Anin a nolis".

Indulà che la pipine e poie i siei piduts a cres une margarite e al Re i ven voie di zuiâ.


Si cjapin par man e pipins e rosutis a cjantin di gust "Bianca margherita".

Chel cjantâ legri al dismôf un mac di garofui che a piturin un cercli profumât intal mieç dal zardin biel che i doi a cjantin "Rosa profumata" contents par chê sorprese



A un ciert pont daprûf dal zardin si viodin rivâ i cuninuts che saltuçant vivarôs si svicinin ai pipinuts che cjalantju ur cjantin “Inte cuninarie”.

A plac, a plac a vegnin fûr de aghe ancje lis rasutis che niçulant su lis çatutis a van becotant di ca e di là cualchi grignel par dopo poiâsi intal soreli a suiâ lis plumis zalis. (Trê rasutis)



Il zardin al devente un puest plen di vite e il Re al è contenton di chel che al scuvierç e cucant ca e là al viôt rivâ une schirie di furmiis che a cjaminin cjantant la lôr cjançon "Lis furmiutis".



Subit daûr a rivin ancje lis mariutinis che lizerutis a si poin sui fii di jerbe par fâ scoltâ a ducj la lôr vosute zentil biel che cjante
"Coccinella rossa e nera".

Il Re che nol à mai viodût cussì tante bielece e grazie nol sta plui inte piel e al dîs: "O crodevi che ca sot a fossin dome fruçognuts e
invezit e je une maravee. O soi cussì content che no ai plui mâl di cjâf, ni di orelis, ni di voi e ni di pîts!"

La pipinute graziose cuntun inchin e dîs: "Ve il to tesaur al è chel ca, tu lu vevis propit sot il barcon!" e cussì disint e slargje i siei
braçuts di pipinute e il zardin intîr si fâs cidin: a son diventâts amîs.



A planc, a planc a rivin ducj i pipins dal Ream che in ligrie si metin a balâ "Un, doi, trê, cuatri...".



Ah ce zornade! Il Re se visarà par un pieç...e salacor no dome lui!